

AGENDRE TRINITATIS
MINGGU 23 Agustus 2026

1. FANGOWAI BA FOGAONI

(Tedöni dorosi , möi ndra sohalöwö bakha ba gosali, ba lahalö wangahono dödö banua niha Keriso ba wangondrasi ba ba wasumangeta khö Lowalangi).

- Fangowai** :
SA : Ya'ami banua Zo'aya, Ya somuso tödö ba sowuawua tödö ami ba we'amöi föna Keriso ma'ökhö andre. Ma'owai Ami fefu, : Ya'ahowu.
SATO : Ya'ahowu !
SA : Ya faofao khömi Lowalangi...
SATO : Ya fao Khöu Geheha-Nia
Fogaoni :
SA : Da ta'owuawua'ö dödöda wangondrasi Yehowa, da ta'omusoi'ö dödöda ba wamalua fasumangeta khö Lowalangi. Tasuno Ia, manunö ita moroi ba Mbuku Zinunö **numero 7**

7. KHÖU KHÖU YEHOWA MANUNÖDO

¹
do = bes 4/4
MM = 96 - 104

1. Khö-U khö-U Yehowa manunödo, me lö famaedo-Mö Lowalangi.
Utandrösaigö khö-U zinunö, abölö' ö ndra' odo Eheha-U
Ená fefu wanunögu andrö, oi ba döi Yesu Keriso manö.
2. Dönisido khö-Mö he Yesu, ya khö-U manö sa' ae wa' aurigu.
Ya so ba dödögu Geheha, sangila mamasao ya' odo khö-U.
Afu' afugu lö uböhöli, wangelulu khö-Mö, Sangorifi.

2. FANGA'ARO'Ö WA'OWULO (VOTUM)

- SA** : Da tahonogö dödöda ba wariawösa, ba ba wa hasambua khö Lowalangi, (Muzizio zato):
No owulo ita ba da'e ba döi Lowalangi Ama, ba ba döi nono-Nia Yesu Keriso, ba ba döi Geheha Ni'amoni'ö. Fangorifida ha ba döi Yehowa si no momböi banua si yawa awö danö.....

- SATO** : YADUHU
SA : Ba u'ila Zo'aya, si dadao ba dadaoma sebua, si no alawa: anönö gosali ahe mbaru-Nia, önö gafi zamösana. Dua mbalubalu mbawa ba dua mbalubalu gahe ba dua ba Wehombo. Ba faoma lamane-mane we'ao khö nawöra: Ni'amoni'ö, Ni'amoni'ö, Ni'amoni'ö Yehowa ngahönö andrö; no anönö lakhömi-Nia guli danö ma'asagörö. HALELUYA.....

- SA** : **Manunö** : BZ. : 452

Haleluya..... Haleluya..... Haleluya.....

- SA** : Mangandrö ita :
He Yehowa Lowalangi Ama, Ono ba Eheha Ni'amoni'ö. Möiga mangalulu ba wangandrö saohagölö me no Örorogö, Ö'orifi, ba Öbohouniga fa'omasi-Mö andrö. Ma'andrö khö-U, tohugö wa'ebua dödö-U khöma, rorogöga ba ngawalö de'ala, efa'öga ba wanandraigö, rara dödö bangawalö gabula dödö, tundreheni faböi alau ndra'aga. Fatöröga ba zomasi Ndra'ugö irugi gamozua, fa makhamö nahia ba zi so Ya'ugö. Si lö mo'aetufa nisuna ba nifolakhömi Ndra'ugö, awö Zo,aya ya,aga Yesu Keriso ba Eheha Ni'amoni'ö, Yaduhu. **(Mudadao zato)**

3. MANUNÖ moroi ba Mbuku Zinunö Numero 188

188. YESU, ONO LOWALANGI

Lala : Yaŋa Ba Zomuso Dödö (No. 429)

do = d 3/4

MM = 88 - 96

1. Yesu, Ono Lowalangi, ha Ya' ugö zaŋatögu sindruhu.
No oya golalöwagu, böi tehe tobali fanguhukugu.
2. Da u' andrö khö-U, he Yesu, bè Geheha sohagaini tödögu.
Fa uröi zogömigömi, si möi börö wangala ba famunu.

4. FOMBASO TAROMA LI LOWALANGI FAMÖRÖGÖ (AF)

: Da tafondrondrongo daroma Li Lowalangi, tehalö moroi ba zura **Amosi 5:24-27**

24. Ba ena'ö na mangumbungumbu zatulö lala, timba nidanö; ba huku satulö, ba ena'ö na timba mbombo, si tebai ogo'ö!
25. Hadia, no mibe'e khögu zumange nitaba ba ame'ela, ba danö si mate no, si öfa wulu fakhe wa'ara; ya'ami Iraono Gizeraëli?
26. Ba mi'osa'ö Zikuti andrö, razomi, ba Kewana andrö, Lowalangimi, famaedo andrö khömi, nifazökhimi!
27. Ba ube'e ni'oloi'ö ami, amaedola nitibo'ö, irugi ba zi tambai NDRAMASEKO, iwa'ö Yehowa — Lowalangi ngahönö döinia.

Simanö daroma Li Lowalangi, da tatema'ö faoma sinunö: BZ.Numero 20:1

BZ. No: 20. MISUNOSUNO ZO'AYA

1. Misunosuno Zo 'aya, mi bè zumange-Nia.
Mi 'ebua 'ö döi-Nia, sotöi banua-Nia.
Me no Ikaoni göi ami, afu mitemawa'au ri, khö Yesu, Sangorifi.

5. FANGANDRÖ FANGEFA HORÖ

SA

: Ya'ami ira talifusö'

Na tawa'ö lö horöda, ba talimo ita, ba siduhu lö'ö ba dödöda. Na ta'ombakha'ö Horöda, ba lö faröi Ia, ba no satulö Ia,fa'i'efa'ö khöda horö andrö, ihaogö ita, awö wa'iheta fefu zilö atulö. Andrö da möi ita föna Lowalangi si fao fangidengide'ö ba wangombakha horöda, (muzizio ita fefu)

Mangandrö ita :

He Yehowa Lowalangi, si lö ambö fa'abölö, ba si no fahöna fa'omasi. Mafaduhu'ö wa tenga sinangea ndra'aga tanö föna-Mö, me no fahöna höröma si no mafalua i'otarai iraono ndra'aga, he ba wehedema, era'era dödöma, awö gamuatama si lö faudu ba daroma Li-Mö. Andrö möiga khö-U ba wangandrö fa'ahakhö dödö-U, ena'ö Ö'efa'ö khöma höröma andrö si no mafalua, irege sohahau tödö ndra'aga wanohugö fekolima ba zi so fönama si faudu ba zomasi Ndra'ugö. Hakhösi dödö-U khöma Ama, ba be'e aefa khöma höröma andrö ma'afefu, Yaduhu.

SATO

: Manunö : BZ. Numero 224 : 1

224. NA'UBINI'Ö HORÖGU KHÖ YESU

1. Na'ubini'ö horögu khö Yesu, ba lö usöndra za hono dödögu
U'ombakha'ö ngawalö horögu, mo lala dödö.

SA

: **Turia Wangefa horö** : “Utayaigö golalöwamö, si mane lawuo, awö horöu, si mane sau. Tema fuli'ö khö-Gu, me no U'orifi ndra'ugö.
LAKHÖMI KHÖ LOWALANGI SI YAWA.....

SATO : Manunö:

450. BA FA'ATULÖ BA GULIDANÖ

- 1. Ba fa 'a tulö ba gulidanö ba niha ni'omasi 'ö andrö
(mudadao zato)

6. FOMBASO TAROMA LI LOWALANGI FÖNA HUHUAO (AB)

- : Da tafondrondrongo daroma Li Lowalangi, tehalö moroi ba zura Yohane 1:12-18
- 12.Ba ha wa'ato zamonaha ya'ia, khõra itehe, tobali ono Lowalangi ira, khõ zamati ba döinia andrõ.
- 13.Tenga moroi ba ndro tumbu ira, ba tenga moroi ba wa'edõna nõsi niha ba tenga moroi ba wa'edõna ndra matua, moroi ba Lowalangi tumbu ira.
- 14.Ba no tobali õsi niha daroma li andrõ, ba no so ia khõda, ba no anehega lakhõminia, hulõ lakhõmi Nono, si ha sambua khõ Nama, si no a'oi so fa'ebua dõdõ, awõ wa'aduhu.
- 15.Ifaduhu'õ ia Yohane, mu'ao ia, imane: Ya'ia da'õ, niwa'õgu: Fõnagu zi so furigu dania, me no ofõna ia moroi khõgu.
- 16.Me no manema ita fefu fa'ebua dõdõ si lõ aetu'aetu moroi ba zi no a'oi so khõnia.
- 17.Sama'ema oroisa Moze, ba khõ Yesu Keriso mbõrõta wa'ebua dõdõ ba bõrõta wa'aduhu.
- 18.Lõ irai i'ila Lowalangi niha, da'õ zanutunõ khõda, Ono andrõ, si ha sambua, si so ba gaheta Nama.

Ya'ahowu zamondrongo taroma li Lowalangi ba same'e ba dõdõ.

SA+SATO : Yaduhu

8. FASÖMBATA

- \ Iada'e tebe'e khõda ginõtö ba wolohe fasömbata khõ Lowalangi. Ta'osamuzaigö wame'e, he fasömbata si föfõna, ba simanö göi zi mendrua awõ zi medölu, sifao fangowuloi fasömbata Sanandrõsa ba Panitia PHBG. Ba si föfõna ua da tafondrondrongo Li Lowalangi me imane:
 - ❖ Same'e sumange fangandrö saohagölö, da'õ zamolakhõmi Ya'odo, ba zi lõ sinegu ba mbuabuania U'oroma'õ wangorifi andrö khõ Lowalangi.

SA : Tafa'ema wasömbata khõ Lowalangi, manunö ita moroi ba Mbuku Zinunö
Numero 268

268. U' OMASI' Ö AE NDRA' UGÖ
Lala : Na Hönö Mbawagu Ena' ö (no. 4)

- do = f 4/4
- MM = 96 - 104
- 1. U ' omasi ' ö ae Ndra' ugö, Yesu Keriso So ' aya.
Si no tobali sangefa ' ö, me no mate' Ö ba röfa.
Andrö usuno Ndra' ugö, me no utema wangefa.
- 2. Alai wa awena u' ila, Ndra' ugö, Keriso Yesu.
Si no manaögö fango' aya, wangõhöli niha fefu.
Andrö mangesa dõdõgu, ba horö fefu nilaugu.
- 3. Selungu ndra' odo ena' ö, na lõ u' ila Ndra' ugö.
Arörödo ba wayafaya, ba lakhõmi gulidanö.
Ohe ndra' o ba haga-Mö, wanörö lala satulö.
- 4. Rorogö ndra' odo ba lala, me fahõna zanandraigö.
Afu lõ te' ala ndra' odo, fasaodo ero ma' ökhö.

Tolo ndra’ o, abölö’ ö, Eheha Ni’ amoni’ ö.

Na no awai la’owuloi/lafa’ema wasömbata, ba owulo tanö furi zangowuloi Fasömbata, lafendrongagö wolohe föna fasömbata, ba la’o’ö gofanöwa note zinunö (irama lagu).Fatua lö möi ira wolohe föna, ba imane Sangai Agendre:)

“Da tafasao wasömbatada andre föna Lowalangi,.....Muzizio ita fefu.....
Manunö ita moroi ba Mbuku Zinunö numero 261

261. YA’E ZUMANGE ¹

Ira’alawe□

- 1. Ya ’ e zumange fasömbata, ma ’ ohe sumange Yehowa.
Iramatua
Reff :Ma’andrö khö-U fahowu’ö zumange ni ’ohema khö-Mö
- 2. Ya’e zumange fasömbata mabe’e soroi ba dödöma.
Reff : Ma’andrö khö-U
- 3. Ya’e zumange fasömbata buala si’otarai Nama.
Reff : Ma’andrö khö-U
- 4. Ya’e zumange fasömbata, boto, noso, ba fa’aurima
Reff : Ma’andrö khö-U
- 5. Ya’e zumange fasömbata, lö irugi zomasi dödö-U.
Reff : Ma’andrö khö-U
- 6. Ya’e zumange fasömbata, ma’aoghasi gölö Zo’aya.
Reff : Ma’andrö khö-U

FANGANDRÖ : *(Fangandrö nidönia’ö fasamösa zangowuloi fasömbata, aefa da’ö ba lafa’ema ba Danga zangai huhuo, itema’ö sangai huhuo awena itou’ö ba dete meza. Ba na so Wasömbata si sambua ni’ofulu, owasa wanaru ma owasavwamasi, btn ba itema’ö sangai huhuo si fao taroma Li Lowalangi si faudu ba wasömbata ni’ owuloi andrö)*

8. KOOR/VOKAL GROUP

- SA :** Da tafaogö dödöda ba wanuno Lowalangi faoma sinunö ni’olohesi:
Koor ba Vokal Group
- a. Koor Jemaat Tuwuna
 - b. Kegiatu Koremda
 - c. Kegiatu sektor 2
 - d.

9. MANUNÖ

- SA :** Da tafa'anö dödöda wamondrondrongo taroma Li Lowalangi, manunö ita moroi Ba Mbuku Zinunö **numero 163**

163. UHONOGÖ SIBAI DÖDÖGU

- 1. Uhonogö sibai dödögu ba wamondrondrongo li Mö Yesu Mangalulu ndra’odo föna-U ba gametahö-Mö ia da ’a Öbayoini Eheha-U Yesu dozigö mbanua samati khö-U. Ubokai dödögu khö-U Yesu nahia daroma li-U. Taroma li-Mö lö fa’atebulö menewi ma ’ökhö ba si ’ogötö’ö lö sa mamalö. Taroma li-Mö si möi fangabölö utema ’ö soroi ba dödö, tolo ba wolo’ö.

10. HUHUAO SEBUA

- SH :** Ya’irorogö dödömi, awö gera’erami fa’ohahau dödö andrö, khö Lowalangi, Sabölö moroi ba gera’era niha fefu, ba khö Keriso Yesu. Mangandrö ita.....Yaduhu.
- a. Fombaso taroma Li Lowalangi *Efeso / Efesus 4:7-16 (Tuho Migu: Aro ba Wangolembai Satulö / Teguh Berpegang pada Kebenaran)*
 - b. Fanuriaigö
 - c. Nitano ba dödö. *Efeso / Efesus 4:15 (Ena’ö na satulö ita, ba wa’omasi*

andrö, ba ena'ö na manöi fefu hadia ia, ba khö-Nia si no tobali hōgō, Keriso. / Tetapi dengan teguh berpegang kepada kebenaran, di dalam kasih kita bertumbuh di dalam segala hal kea rah Dia, Kristus yang adalah kepala.)

d. Fangandrö Fanga'aro'ö huhuo

SATO : Manunö : BZ. Numero 154 : 1

154. NO MAFONDRONDRONGO LIU ²

- 1. No mafondrondrongo li-U, Lowalangi So ' aya.
Tanö ba dödöma ia, fa böi olifuga.
Fahowu 'ö ia khöma, ena ' ö ohahau dödöma fefu.
Heta ba dödö zi lö sökhi, ma'o ' ö niwa 'ö-U.

11. TUHO WAMATI

SA : Me no tarongo daroma Li Lowalangi, ba da tafaogö Lida wamaduhu'ö famatida Ya'ita niha Keriso föna Lowalangi, muzizio ita fefu.....endronga lida

SA+SATO : ❖ Ya'o mamati khö Lowalangi Ama si lö ambö fa'abölö, somböi banua si yawa awö danö.
❖ Ya'o mamati Khö Yesu Keriso, So'aya ya'ita, Ono Lowalangi si ha samösa, nitema nina-Nia Maria khö Geheha Ni'amoni'ö, Ono nono alawe Ia, no manaögö huku Ia, barö mbawa Fondrio Filato, teforöfa Ia, mate,ba lako'o. No möi Ia ba mbanua niha tou, no maoso Ia moroi ba ngai zimate me no irugi tölu ngaluo. No manahae Ia, möi ba zorugo, dumadao ba gambölö Lowalangi Ama si lö ambö fa'abölö. I'otarai da'ö mangawuli Ia dania ba wanguhuku niha sauri, awö zi no mate.
❖ Ya'o mamati khö Geheha Ni'amoni'ö, ba ufati ha sambua mbanua ni'amoni'ö, fefu niha Keriso, fa'awösa niha ni'amoni'ö, ba fangefa horö, ba femaoso mboto zimate, ba fa'auri si lö aetu. Yaduhu. (Mudadao zato)

12. ANGOMBAKHATA BA MBANUA NIHA KERISO

13. SA : Da tafondrondrongo gangombakhata:.....

14. MANUNÖ

SA : Manunö ita moroi ba Mbuku Zinunö **numero: 501 ayati 1-2**

501. OMASI U' O' Ö YESU

- do = f 4/4
MM = 84 - 92
- 1. Omasi u ' o ' ö Yesu Omasi u ' o ' ö Yesu irugi zi lö aetu
He na tosasa dödögu. Hewa' ae aetu nosogu
Omasi u ' o ' ö Yesu Sangorifi nosogu.
 - 2. Omasido fao khö Yesu, omasido fao khö Yesu irugi zi lö aetu.
Hewa' ae oya gakaola he no fahöna de' ala.
So sa Keriso awögu sagötö fa' aurigu.

15. FANGANDRÖ SALAHI + FAMATENGE + HOWUHOWU

SH : Muzizio ita fefu, mangandrö ita :.....(tetohugö) : Ba döi Zo'aya ya'aga Yesu Keriso, Si no mamahaö ya'aga ba wangandrö mamane :

SH + SATO : He Ama khöma siso ba zorugo, ya te'amoni'ö döi-U. Ya tobali banua-U fefu niha, Ya itörö zomasi ndra'ugö, hulö ba zorugo, ya si manö göi ba gulidanö. Öma sirugi ma'ökhö be'e khöma ma'ökhö andre. Ba efa'ö khöma horöma, si mane fangefa'öma sala ba zi so

sala khöma. Böi ohe ndra’aga ba wanandraigö, efa’öga ba zi lö sökhi. Me ya’ugö zamatörö banua-U, ba sokhö fa’abölö, awö lakhömi, irugi zi lö aetu. Yaduhu

SH : FAMATENGE + HOWUHOWU :
Mi’angawuli si fao fa’ohahau dödö, ya tobali ami sura Keriso, samaduhu’ö Ya’la ba Lala wa’aurimi sero ma’ökhö, ba mitema (tatema) howuhowu Lowalangi :
❖ Ya mufahowu’ö ami/ita Lowalangi, Ya murorogö ami/ita
❖ Ya mufohaga mbawa-Nia Khömi/khöda, Ya mu’ebua’ö dödö-Nia khömi/Khöda
❖ Ya mufalemba hörö-Nia khömi/khöda, Ya mube’e wa ohahau dödö khömi/khöda fefu. Yaduhu

SATO : Manunö BZ.Numero **501 ayati 3**
501. OMASI U’ O’ Ö YESU

do = f 4/4
MM = 84 – 92
3. He ya’ ugö talifusö, he ya’ ugö talifusö böi arörö dödömö.
Ö’ osambalö’ ö dödö wungalui fangorifimö.
Öfalua wangesa dödö ba ogorofi horö.

SH : YA’AHOWU

SATO : YA’AHOWU